





C105

R





HARANGVE

PRONONCEE

DEVANT LE ROY,

feant en ses Estats generaux tenus à
Blois , le Lundy seizième iour de
Ianuier, 1589.

*Par Monsieur BERNARD, esleu
Orateur pour le Tiers-Estat
de France.*



A PARIS,

Par IAMET METAYER, Imprimeur
ordinaire du Roy.

1589.

AVEC PERMISSION.


358

F

39

326

158923



PARLAMENT MEETING, IMPROVED
ORDINANCE DU ROY.

1784

COMMISSION

51-1798



H A R A N G V E
P R O N O N C E E D E V A N T
le Roy, seant en ses Estats generaux,
tenus à Blois, le Lundy seizième
de Ianuier, 1589.



I R E,

Vos tres-humbles &
tres - obeissans subiects
du Tiers Estat de vostre
Royaume, assemblez par vos comman-
demens, louient Dieu, & vous rendent
graces, tous d'une mesme voix, esprit, &
volonté; de recognoistre (comme ils
ont tousiours faict) vostre ferme con-
stance, zele & sainte resolution, à la de-
fense de la vraye & ancienne Religion
de leurs peres, seul ornement de vostre

a ij

Couronne, & fondement de vostre
Estat.

Ils ont aussi occasion de se consoler,
& bien esperer plus que iamais de veoir
le iour tant souhaité, auquel vostre Ma-
jesté est disposée d'ouyr leurs plaintes,
entendre leurs remonstrances, prendre
leurs aduis, & recevoir leurs humbles
supplications.

Leurs remonstrances, SIRE, pour
estre au bien de vostre seruice, salutaires
& profitables au public, ne seront par
eux fardees ou déguisees de quelque
langage affecté.

Ils les veulent & entendent faire sim-
ples, libres, iustes & veritables: sçachans
que les anciens auoient accoustumé de
peindre la Verité toute nue, pour mon-
strer qu'elle vouloit estre ouye, veüe, &
cognüe à descouuert, sans voile, fard, ny
ornement quelconque.

Principalement quand on s'adresse
aux Roys, que c'est tout vn peuple qui
parle,

parle, & qu'il y va du salut commun.

L'un des Sages de la Grece, ayant esté mandé par Croesus, reprint aigrement Æsope de ce qu'il faisoit leçon aux Courtisans de son temps, & leur enseignoit pour maxime de Cour, qu'il ne falloit point approcher les grands si non que pour leur complaire.

Au contraire, dit-il, il ne faut iamaïs venir à la Cour des Roys & Monarques, que pour leur dire la verité.

Parce qu'il aduient peu souuent, que l'on puisse dire chose profitable & agreable, tout ensemble.

Nous sommes à cela inuitez & contrainsts d'ailleurs par la franchise des Estats, par la liberté donnee, par la seurété promise, necessité de nos charges publiques, & obligations particulieres de nos sermens.

Que quand nous n'aurions vos assurances & promesses, que nous tenons sacrees & inuiolables, vne seule raison

nous poufferoit aux libres discours de nos plaintes & doleances.

C'est^l, SIRE, qu'ayant le principal interest à la conseruation & restauration de vostre Estat, vous seul auez ietté la veüe, & dressé vos prudents conseils, pour la conuocation des trois Ordres de vostre peuple, vray, ancien & ordinaire remede, pour defendre, sauuer & garantir le Royaume de sa ruïne, decadence, & peril d'un prochain naufrage.

Et si plus particulièrement, vous nous auez de tant fauorisez, qu'à la premiere ouuerture des Estats, il auroit pleu à vostre Majesté, porter propos, & faire un discours rare, enrichy de son bien dire accoustumé, digne d'un Roy tres-Chretien, vtil à vous mesme, & necessaire à vostre peuple.

Car deslors vous nous donnastes nostre leçon par escrit, vous nous mistes les mots à la bouche, & preparastes les

remedes en main, pour nous plaindre librement, & pour purger les humeurs peccantes, qui de si long temps continuent les foibleſſes, infirmitéz & maladies au corps de ceſte pauvre France.

Y auoit-il meilleur moyen de la remettre en ſa premiere ſanté, force & conualeſcence., nettoyer le Royaume de toute impieté, & nous rendre le Ciel fauorable, que de nous promettre l'entiere execution de voſtre ſainct Edict d'vniõ?

Sainct l'appellons nous, & ſe doit ainſi qualifier, parce que nous croyons qu'il a eſté enuoyé eſcrit, minuté & dicté du doigt de Dieu, comme les Tables donnees à Moyſe pour eſtre portees aux enfans d'Iſraël.

Mais qu'ay-ie dict, promettre, vous l'avez ſolennellement iuré, & par l'aduis de vos Eſtats eſtably, pour loy fondamentale de voſtre Royaume, avec vn ſi grand contentement & allegreſſe pu-

blique de vos bons subiets, que la France ne s'est iamais veüe vn iour si prospere & heureux.

Vous auez par ce seul acte, outre les autres marques de vos pietez, acquis vn nom immortel, & sacré vostre memoire à la posterité, non moins que fist ce grand Empereur Theodoze, par vn pareil Edict, contre les heretiques de son temps.

Lequel fut treuvé si necessaire à tout le Christianisme, que les Peres anciens assemblez au Concile d'Afrique; iugerent qu'il le falloit renoueller, & enregistrer entre les Sanctions principales de l'Eglise, que depuis l'on a appellé les loix de l'ynité: c'est à dire en autres termes, Edict de l'Vnion.

Et à la verité, SIRE, vous ne pouuiez, ny ne deuiez faire autrement. Car les Rois & Monarques n'ont le Sceptre en main, & ne sont appelez aux dignitez supremes, sinon que pour estre ministres

nistres de la gloire de Dieu, deffenseurs de son nom, protecteurs de sa Religion, & dispensateurs de ses graces, sur les peuples reduits en leur obeissance.

Que quand le zele de la Religion plus grand & rare en vostre Majesté qu'en nul autre Monarque du monde, ne vous eust excité, & enflammé vostre ame par la deuotion & publication d'un Edict si solennel.

Il faut que les Politiques & Catholiques de contenance, qui ne font pas petite eschole en vostre Royaume, confessent & recognoissent que la necessité de vos affaires, & la dignité de vostre Monarchie, requeroit que cest Edict fust publié.

Car tout ainsi que la ruine d'une maison & famille particuliere, se peut cognoistre certaine, quand par un mauuais mefnage la concubine se veut dire femme de bien, se faire cōme elle maistresse, veut commander à son tour, & se faiēt

respecter esgallement par les enfans & seruiteurs de la maison.

De mesme aduient-il aux Royaumes bien composez, quand l'on souffre qu'une opinion fausse & nouvelle se glisse, prenne place aux esprits & cerueaux des subiets: pour estre la diuersité de la Religion recogneuë, la source de la desolation & perte de l'Estat.

Je n'ay point mal à propos vsé de ceste comparaison, car les anciens autheurs de la Police, ont formé les Republiques & Royaumes, sur le moule d'une seule maison: parce que plusieurs maisons ensemble font les villes, citez, & Royaumes, tout ainsi que la maison bien regie est vn petit Royaume raccourcy, au rapport de Xenophon.

Or anciennement, SIRE, vostre France estoit la maison de Dieu, & famille de son Eglise, en laquelle habitoit ceste sage & chaste maistresse, la Religion Catholique, Apostolique & Romaine,

espouse vnique sans rides & sans macule, laquelle partant ne pouuoit estre bruee par l'affront, impudence & paillardise d'vne opinion nouuelle.

L'on a laissé par escrit pour vn honneur & remarque singuliere de vostre Royaume, qu'il a esté autresfois representé au Ciel par la nuee blanche, en laquelle fut veu vn Ange couronné portant le Sceptre en sa main semé & orné de fleurs de Lys, non pour autre raison, que pour monstrier, la France n'estre subiette aux tenebres & obscurité de l'heresie, que c'estoit vne contree du monde choisie par grace speciale, contree où Dieu vouloit auoir les Eglises basties, & les Autels dressez à son seul honneur & gloire.

Puisque doncques la necessité, maistresse de toutes choses, & la splendeur du Royaume requeroit, que comme en tous autres Estats, son principal appuy & fondement fust ietté sur la Religion,

il faut croire que l'exécution entiere de
vostre Edict d'Vnion qui se fera d'un
franc desir (la cause de Dieu & de son
Eglise requerant d'estre franchement
poursuiuie) les heresies seront chassées
comme les nuées se dissipent au Soleil,
& que du desordre passé, la France sera
aussi fleurissante entre les siens, & re-
doutable aux estrangers, qu'elle fut
oncques.

Mais avec ceste Vnion en vne seule
Religion Catholique, Apostolique, &
Romaine, il est besoin que toutes les vil-
les & subiets de vostre Royaume, en-
trent en vne autre Vnion & bonne in-
telligence au seul but de vostre seruice,
continuation de vostre dignité, & def-
fense de l'Estat.

Qu'un chacun de nous se souuienne,
que vous estes donné de Dieu, & sacré
nostre Roy, pour nous commander, &
que nous sommes nez vos subiets pour
obeir: outre ce que la concorde &
Vnion

Vnion est la vraye mere de tous Estats & Monarchies, tout ainsi que les inimitiez & partialitez sont les semences de leur ruine & desolation, selon que le remonstroit aux Atheniens Leon Byzantin, sur le sujet de leur diuision.

Il est vray, SIRE, que toutes partialitez leues, & l'ulcere de l'heresie clos & fermé: le reste du corps ne laisse d'estre fort corrompu, & fera tousiours languissant, s'il n'est pourueu à ses autres infirmités.

Vostre Majesté les a recogneuës, quand elle nous a faict commandement pour la punition des blasphemes, & recherche de la Symonie.

Car à la verité les blasphemes, sont langage maternel, & ordinaire des François, les adulteres leur sont ieux, la magie leur est subtilité d'esprit, & curiosité honnestes, la symonie marchandise commune: bref que tous vices detestables à nos peres suiuent & accompagnent la

France, comme l'ombre fait le corps.

Ce n'est pas seulement aux Ecclesiastiques qu'il faut reprocher ceste lepre spirituelle de Symonie, & crier si souvent contre eux vne reformation, quoy qu'elle soit plus necessaire au Clergé qu'elle ne fut oncques.

Nous aduoüons & recognoissons, que c'est vn poison qui se laisse insensiblement gouster par la Noblesse, & vne contagion qui n'infecte pas moins le tiers Estat.

Car en ces deux ordres il y en a plusieurs qui ne font point de conscience de prendre sur l'Autel, qui ont des amis depositaires, les autres prennent le reuenue des Benefices par leurs mains, se dient les garder pour l'un de leurs enfans, & par ce moyen font vn meslange du bien spirituel & Ecclesiastique, avec leur hoirie & succession paternelle.

De là procede vne partie de nos malheurs: les Eglises ruinees, les deuotions

esteintes, les fondations negligees, les Sacremens profanez, les pauures auxquels vne portion du bien Ecclesiastique est affecté, crient à la faim, & se perd la crainte de Dieu de iour en autre.

Au torrent de tels abus, nous auons trouué & opposé deux certains remedes, sçauoir l'élection requise à la forme de nos cayers, & la prohibition de la pluralité des Benefices.

Les remedes en sont bons & propres, mais la pratique & l'execution y est plus nécessaire que le conseil.

Ceste Symonie n'a pas eu seulement son regne pour les Benefices, mais iettant son venin plus loing s'est couplee à deux de ses sœurs, especes de sacrileges, non moins perilleuses à l'Estat, que dommageables à vostre peuple.

C'est qu'à nostre regret nous auons veu les gouuernemens des villes, places & chasteaux en commerce entre les Gentilshommes, & les pactions permi-

ses à beaux deniers comptans ; quoy qu'elles soient suspectes & interdites comme choses sacrees & religieuses.

Il ne falloit que le mulet de Philippe de Macedoine, chargé d'or & d'argent, pour vsurper vos places, troubler vos Prouinces, & vous despoüiller d'une partie de vostre Royaume, par telles marchandises & negociations.

Nous laissons au iugement de vostre Majesté, s'il est raisonnable que la fidelité de vos subiets, la seurté de leur vie, & biens, l'estat de leurs familles, l'amour de leurs femmes & enfans, soient exposez à l'hazard, mercy, & commandement d'un Capitaine mal affectionné.

Par ainsi vostre tiers Estat vous supplie que cy apres il y soit autrement pourueu, que les seuls merites, la generosité, la vertu, & la fidelité facent les bons Gouverneurs & Capitaines.

Quant à la Symonie qui plus opprime tous vos autres subiets, c'est la multitude

de effrene & monstrueuse de tant d'officiers inutiles, la venalité & nondination des Estats de iudicature, où la corruptelle a esté si grande, que l'ambition des plus riches ignorants de vostre Royaume, leur a faict trouuer placeaux premieres dignitez.

Le temps & siecle si miserable, qu'il aimoit mieux estre fils ou heritier de quelque riche vsurier, que d'auoir de l'entendement.

L'entendement se tiroit plustost de la bourse, que nompas des liures, ny des cerueaux bien composez.

Les hommes plustost recognus à la dorure de leurs Estats, que par leur vertu, sçauoir & preud'homie.

Cela nous faisoit souuenance de ce qui est escrit par Horace grand Philosophe & bon Poëte, que l'asne se voyant negligé en l'assemblée des animaux, eust bien le sentiment de se reuestir & parer de la peau d'un lyon mort, & par ceste

parure auoit des premiers rangs, se faisoit craindre & respecter d'un chacun: mais la peau ostee, son espee & forme naturelle descouuerte, il estoit à vitupere, mespris & risee.

Combien y en a-il, SIRE, qui se sont frayé le chemin aux estats & dignitez, non à la poincte de la vertu, selon qu'il se doit faire, mais comme aux plus offrans & derniers encherisseurs, & qui n'ont que la robe d'officier pour couvrir leur ignorance?

Cependant l'argent les a faict Iuges, & Iuges si necessaires, qu'il faut que la vie, l'honneur, les biens, les personnes des Ecclesiastiques, Nobles & Plebeiens, passent à leur mot, aduis & iugement, aussi bien que s'ils estoient dignement choisis, esleus & nommez.

Le mal, de vendre & achepter les offices de Iudicature, a esté recognu si grand & preiudiciable à l'Estat, que par les Sanctions des Empereurs, par les Loix an-

ciennes, par les Ordonnances de vos predecesseurs, & par les vostres, le traffic & venalité en a esté interdite.

Il a pleu encores à vostre Majesté y pourueoir de nouueau, par la promesse solennelle, publique & iuree, faicte à l'ouuerture de vos presents Estats, avec assurance d'esleuer & honorer les bons & doctes de vostre Royaume, au prix & recommandation de leur sçauoir & integrité.

C'est pourquoy nous nous contentons de voir & experimenter les effects d'une si sainte & necessaire resolution, sans en faire plus long discours.

Mais bien vous dirons-nous franchement, que le desbordement du passé a esté l'une des causes de nos plus griefues miseres.

Car estant la splendeur de la Iustice offusquee, les elections aux Benefices & Offices violees, les bonnes coustumes peruerties, la vertu bannie & exilee, le

vice en autorité, la rapine marchant par vostre Royaume à enseigne desployee, tout cela a excité l'ire de Dieu, changé les saisons, irrité les elements, & bandé le Ciel contre nous par diuers chastimens de pestes, famines, guerres, & autres calamitez.

Camille grand Capitaine Romain, sçauoit bien dire en son paganisme, que quand la Iustice estoit mal recognüe, & la vertu ingratement traictee, les Dieux en estoient courroucez, & ne souffroient cela sans vengeance & quelque coup d'enhaut.

Quand nous parlons de la guerre, nous ne faisons pas simplement plaintes des troubles suscitez & nourris depuis vingt huiet ans par les heretiques, des armées estrangeres, passage des ennemis, & autres esmotions ciuiles.

Nous nous plaignons iustement de l'insolence de vostre gendarmerie, & violence des soldats, lesquels, comme
furieux

furieux & vrais parricides, ont pillée, deschiree, meurtrie, violée, & saccagee ceste France, nostre mere commune, ont esgaré les villageois, avec yne hostilité si barbare, que là plus-part des terres sont sans culture, les lieux fertils deserts, les maisons vuides, tout le plat país dépeuplé, & toutes choses reduites en vn desordre espouuentable.

Leurs cruautez, blasphèmes & rançonnemēs ne se peuuent rapporter que la larme a l'œil, le soupir à la bouche, les plaintes & clameurs iusques au Ciel.

Le seul soulagement attendu par les villageois de l'assemblée des Estats, le fruiēt qu'ils en esperent, n'est autre, que de veoir cy apres vostre gēdarmerie reglee, & le soldat nourry avec l'ancienne façon & discipline militaire, autrement leur simplicité & crainte se tournera en audace & vengeance, & la nécessité les portera au desespoir.

L'un des meilleurs reglemens sera,

que tous soldats soient leuez sous vos
Commissions, marchent sous vos En-
seignes, qu'ils employent leur valeur, vie
& personnes pour vostre seruice, &
qu'ils soient conduits par chefs fideles
& gens d'honneur, à l'exemple desquels
les membres se puissent conformer.

Il y a bien d'autres particularitez plus
necessaires, & qu'il me seroit mal sceant
de deduire, quand bien ie le pourrois.

Ie serois subiet à la risée & moquerie
du Philosophe Phormio, si impudent,
que d'auoir parlé du faict des armes de-
uant ce grand Annibal.

Ma façon seroit plus iustement blas-
mée, d'en discourir deuant vn Roy, le
plus grand du monde, vn Roy genereux,
trionphant & victorieux, lequel au clin
de son œil fera que tous gens d'armes se
regleront & disposeront de mieux viure
à l'aduenir.

Il n'est pas raisonnable que celuy qui
n'a iamais ouy son de trompette, qui n'a

iamais veu escadron en campagne, siege de villes, ny bresche faiçte, s'oublie tant que de traicter le faiçt de la Milice, l'ordre de la gendarmerie, & maniere de viure du soldat.

C'est pourquoy, SIRE, nous remettons le reste à vostre prudence, & continuans nos plaintes vous représenterons que la guerre n'a pas esté seulement faiçte à vostre peuple par des soldats enrollez & leuez sous vos Commissions, mais aussi par vne autre sorte d'ennemis, qui n'ont moins trauaillé vos subiets, qu'une leuee & venue de Reistres.

Ce sont, SIRE, les partisans: ce sont ceux qui par importunité, immensité de dons, & subtile inuention du comptant, ont espuisé vos Finances, & nous ont mis à la bezace, ce sont les inuenteurs de subsides & Edicts nouueaux, les executeurs des commissions extraordinaires, courretiers & maguignons d'office, vermine d'hommes & couee d'harpies

esclofes en vne nuit, lesquels par leurs recherches ont fureté vostre Royaume iusques aux cendres de nos maisons.

Ils marchoient orgueilleux & en credit, le sergent en croupe pour executer à leur mot vos subiets, les euocations en main pour nous distraire & faire venir plaider à vn conseil des parties, ainsi proprement appellé, parce que l'on disoit que quelques-uns de nos Iuges estoient nos parties mesmes, ils auoient les iussions à leur commandement pour forcer la conscience des bons, & violenter l'autorité & religion de vos Cours souveraines par barrement de gages, interdictions d'entrees & seances.

Plusieurs Edicts ont esté verifiez & enregistrez avec ces mots, par commandements, plusieurs fois reiterez. Aux Edicts iustes & bons, les commandements du Prince souverain ne sont iamais nécessaires.

L'ay parlé, SIRE, de la conscience des
bons,

bons, & qu'elle a esté forcee, parce que l'on a trouué des ames venales & corrompuës, qui auoient part au butin, estoient Iuges & solliciteurs tout ensemble, & lesquels par vne composition premiere du party à dix mil escus, en ont tiré par violentes & iniurieuses executions plus de cinquante mil.

Vostre pauvre peuple a esté si affligé, leurs biens si souuent diminuez, le sang tant succé par ces voyes extraordinaires, que la pluspart de vos subiets croyoient toutes choses à l'abandon, en confusion, & reduittes au desordre d'un premier cahos.

Cependant c'estoit chose estrange, que telles inuentions se souffroient au profit de quelques particuliers, qui au milieu de leur luxe & ieux se rioient de nos pleurs, se resioüyssient de nos miseres, & triomphoient de nos despoüilles.

Ceste oppression, SIRE, ne vous re-

g

gardoit pas moins que vos subiets, car estans les nerfs du corps foutez & les membres languidez, il faut par necessité que le chef se ressente de l'indisposition, tout ainsi que le chef malade, les membres le sont aussi.

Que si telles & si grandes nouveautez & oppressions nō iamais veües ny ouyes en France, eussent seruy au profit de vostre Majesté, nos plaintes n'en seroient iustes ny raisonnables.

Mais quoy, SIRE, nous sçauons que la gendarmerie a esté sans monstre, le soldat sans solde, les gages de vos officiers barrez & retranchez, les pensions des estrangers deuës, les rentes non acquittees, le domaine engagé, & toutes les finances dissipées.

Et neantmoins l'on projectoit encor faire accreuë de nouveaux subsides, & leuées de deniers, sur qui, SIRE, sur vn pauvre passant, destrouffé, nud, & mis en chemise, ainsi faut-il parler de vostre peuple.

Mais il a pleu à vostre Majesté par sa bonté naturelle nous donner espérance de quelque rabais & moderation.

C'est le plus seur moyen d'affermir vostre autorité, & asseurer l'Estat, car la moderation apportera du contentement, le contentement de l'amour & reconciliation, l'amour de l'obeïssance.

L'amour du peuple est le fondemēt du Royaume, & la seurte de vostre Sceptre.

Les bonnes volontez de vos subiets, ce sont chasteaux de frontieres, places fortes, & citadelles imprenables contre tous ennemis, domestiques & estrāgers.

Le conseil que nous vous donnons d'une moderation de tailles & reuocation de subsides, est necessaire: car la levée en sera impossible.

Nous ne laissons d'examiner & cognoistre, que les troubles naissans de toutes parts, l'execution de vostre Edict d'Vnion estant necessaire, vostre Majesté a besoin d'estre aydee; mais la diffi-

culté a esté grande de vous trouuer les moyens, puisque nos bonnes volontez sont retenues & empeschees par nos miseres, impuissances, & necessitez.

Or n'y a-il point de plus prompt remede, que de repeter les deniers de ceux qui à la foule & oppression de vos subiects ont butiné tant de richesses, il est temps de comprimer l'esponge trop remplie, & purger la rate trop enflée à la langueur des autres membres.

Le secours en sera prompt, facile, & agreable, parce que les deniers ne sont hors du Royaume, ny en Allemagne, ou à la Banque de Venise, ils sont aux coffres de quelques particuliers, qui abusans de vos graces & faueurs se sont enrichis & esleuez excessiuelement.

C'est du sang qui n'est pas perdu ny espanché, il est seulement retiré en vne partie du corps, qu'il faut reprendre, remplacer & remettre aux veines vuides, pour viuifier le chef, & animer les parties

parties les plus nobles.

Le conseil & remede n'en est pas nouveau, ny tiré de la sage remonstrance d'Hybreas, portant la parole à Marc Antoine pour les Asiatiques opprimez des tailles & subsides.

Nos peres François en ont vsé, aux afflictions & pareilles necessitez du Royaume: mesmement du temps & regne du Roy Iean.

Où les mauuais conseillers & administrateurs des deniers publics furent recherchez & nommez en pleins Estats, avec vne honteuse diffamation.

Nous serons plus moderez & retenus que nos peres, ores que nous ne soyons moins affectionnez au public, & que nous en ayons pareille ou plus grande occasion qu'ils n'auoient, sous assurance que sans nomination & designation, tels ennemis du peuple seront faciles à trouuer.

Que si pour leur recherche nous

h

auons article exprés dedans nos cayers, ce n'est pas de chaleur de foye, ardeur, ou animosité, selon que ceux y ayans interest l'ont publié, c'est vn article iuste & raisonnable.

Les grands magasins de leurs thresors, la creuë de leurs biens sans trauail, leurs richesses soudaines, fondent vne accusation legitime & approuuee par l'ancien prouerbe, que iamais homme de bien n'est tost deuenu riche.

Quand Sylla venu de bas lieu retourna de son gouuernement d'Affrique, & qu'il se fust vanté qu'il auoit de grands moyens, il luy fut reproché qu'il n'estoit pas doncques homme de bien, veu que son pere ne luy auoit rien laissé.

Aussi est-ce vne maxime d'Estat tres-certaine, que l'administrateur de la Republique, officier & bon conseiller du Prince, ne peut avec bonne renommee dignement exercer sa charge, & amasser beaucoup de bien tout ensemble.

Il est impossible qu'un office enrichisse & honore les hommes tout d'un coup.

Puisque doncques la recherche & accusation est iuste & legitime, nous espérons que la Chambre nécessaire pour la punition, & par vous accordée, sera au premier iour erigée & établie.

Il en aduendra beaucoup de bons effets, vostre Iustice en sera louée, le peuple soulagé, les bons en auront du contentement, les mauuais seront retenus en crainte, & si cela apprendra à tous vos Conseillers d'Estat, Financiers, Officiers de vostre Couronne, aux François, & estrangers approchantz vostre personne, & frequentans la Cour, qu'il ne faut bastir leur fortune, à la ruine, foudre & oppression de vos subiects.

Que s'ils vouloient ou pouuoient faire ce qui a esté fait du passé, ils aimeroient mieux ne point changer de siècle, & que les sangsues pleines fussent de meures.

Nous dirions volontiers ce que l'on feint que le renard respondit à l'herisson, luy voulant chasser les mouches de ses playes, qu'il craignoit qu'ils n'en vins-
sent d'autres qui le piquassent & mor-
dissent dauantage.

Voila, SIRE, comme des subiets bien affectionnez doiuent parler à leur Prince, cōme des Estats libres, & bien composez doiuent donner aduis sans aucune preuarication de la cause publique, avec tel respect neantmoins, que vostre Majesté n'en soit rien offensée.

la n'aduienne que nous soyons si mes-
cognoissans, insensibles, & oublicux de
nos deuoirs, de croire, voire mesme pen-
ser, que les fautes passees procedent de
vostre part.

Nous recognoissons & publions haut
& clair, que le Ciel & la nature vous ont
liberalement enrichy de ce qu'est neces-
saire pour nous bien regir & gouverner.

La deuotion vous est recommandee,
la

la prudence & Iustice vous assistent, vostre clemence nous est cogneuë, laquelle nous implorons de nouveau en corps d'Estats, pour le salut, liberté, & personnes de nos confreres retchus & arrestez.

Bref que les perfections de vos predecesseurs Roys se sont ioinctes & retrouuees ensemblement pour faire reluire vostre Majesté sur nous.

Mais le mal a esté, que la lumiere de vos vertus a esté empeschée, & n'a peu ietter ses rayons ny les faire penetrer sur la misere & affliction de son pauvre peuple, & desolé Royaume, par l'artifice & pratiques de quelques mauuais Conseillers.

C'est pourquoy Diocletian auoit bonne raison de se plaindre qu'il estoit malaysé d'estre Roy, parce que les Roys sont iugez d'un chacun, & cependant ils ne sont aduertis que par gens qui sont à l'entour d'eux, lesquels bien souuent les trompent, & leur desguisent la verité

de toutes choses.

Ce que nous disons, SIRE, c'est après vous, qui le premier recognoissant le mauuais mesnage, desordre, & confusion deplorable, auez commencé d'y mettre ordre, par changement de Conseil, par vne réuocation de plusieurs pernicieux Edicts, par la tenuë de vos Estats, & iuste intention d'establiir de bonnes loix.

Le seul moyen de bien regner & se maintenir, est d'auoir des Conseillers fideles, craignans Dieu, plus amateurs du peuple que de leur profit, non subiects à la rapine & auarice.

Rien n'a recommandé le siecle & regne de Marc Antonin, que l'assistance & conseil d'un Volusianus, Sceuola, & autres grãds personnages, lesquels pour leur prudence estoient dictz, recognus, & respectez comme Oracles.

Alexandre Seuerus ne fut iamais en admiration, & n'a esté sa memoire eter-

nelle iusques à nous, que pour auoir eu pour Conseillers, vn Vlpian, Iulius Paulus, Pomponius, Quintilius Marcellus, hommes sçauans, & les plus gens de bien de leur siecle.

Si l'on fait recherche en l'Histoire Romaine, il se trouuera que tous les bons Empereurs, Vespasian, Tite, Trajan, Adrian, les Antonins, en ont ainsi vſé, & que par ce seul moyen leurs Gouuernemens & Empires seront perpetuellement recommandez.

Que sert-il de prendre des exemples aux Empires estrangers, veu que nous en auons des domestiques en si grand nombre, que vostre Majesté seroit ennuyee du long discours qui s'en feroit?

Il suffira d'alleguer que le Roy Charles vij. restaura son Royaume à demy perdu & occupé, par l'aduis des Euesque de Clermont, Comte de Dunois, braue Cheualier, & Messire Jean Louuet President de Prouence.

C'estoient vrayement des Conseillers nez & disposez au seruice de leur Roy, à l'amour & repos du peuple, & non à l'auarice, ny à la grādeur de leurs maisons, tels qu'il les faut à present, & que vostre Majesté les sçaura bien choisir.

Quant aux Loix & Ordonnances, il n'est pas beaucoup de besoin d'en faire de nouuelles, il faudroit seulement que celles ja faictes, fussent religieusement executees, & inuiolablement gardees.

Lycurgue grand Legislatteur ne voulut iamais que les loix par luy donnees aux Lacedemoniens, fussent escrites & publiees, ains les fit apprendre par vn bon vsage & frequent exercice.

Les estrangers loient les François d'establiſſir & conclurre les plus belles loix du monde, mais ils se rient de ce qu'elles sont seulement imprimees, & ne se gardent point. Ils ont eu plus de raison ces anneex passees, de nous faire ce reproche que iamais. Car l'Ordon-
nance

nance derniere de Blois, projectee à vostre aduenement à la Couronne, est fort sainte & necessaire, & toutesfois, faute d'execution, inutile, & en beaucoup d'articles negligee.

L'assemblée des Estats fut en l'annee 1576. le Cayer compilé & présenté par les trois ordres, ne fut veu que trois ou quatre ans apres, & la publication de vos Ordonnances remise en vn temps, qu'il n'y auoit article qui ne fust renuersé, peruertý & corrompu, par nouueaux Edicts, avec des derogations toutes contraires à vos iustes & saintes resolutions.

Ce n'est pas la façon qu'il faut vser des Loix. Platon les compare aux belles peintures, lesquelles sont facilement corrompuës & effacees par l'iniure & longueur du temps, si elles ne sont bien cōseruees, entretenuës, & renouuellées par quelques traicts de pinceau.

De mesme, SIRE, les Ordonnances,

quelques bonnes qu'elles soient, se perdent de la memoire des subiets, & sont souuent à mespris, si elles ne sont conseruees par les cōmandemens des Roys, authorisees de leur puissance, suiuiues & pratiquees d'un prompt & continuuel exercice.

La force des Loix consiste en execution, la vertu, la Iustice des Princes, & de toutes personnes, se cognoist, conssomme, & rend parfaicte par la seule action.

Les Atheniens ayans à construire vn Temple, après auoir mandé tous les plus experts massons & artisans de leur Pro-uince, il s'en trouua vn lequel par grand & beau discours, fit entendre le deuis des ouurages, comme il poseroit les pilliers, quel seroit le front du portail, comme dextrement il tailleroit les materiaux: bref qu'à son propos il fit le plus beau & riche Temple qui fust en toute la Grece.

Il se trouua vn autre ouurier, qui n'a-

uoit la parole si à commandement, qui
respondit en trois mots, qu'il feroit par
effect ce qu'auoit esté si bien dict, & dés
lors la besongne luy fut deliurée.

Non pour autre consideration, sinon
que la beauté des ouurages, l'art & in-
dustrie de l'ouurier, se recognoist à la
seule operation.

Maintenant, SIRE, que vous estes à
bastir & remettre la iustice en son inte-
grité, luy dresser vn nouueau Temple,
où les hommes n'entrent que par la porte
de la Vertu, que tout trafic d'estats &
marchandise en sera chassé, il nous faut
seulement l'exécution entière de vos
saincts propos, que nous tenons ja au-
tant assurez que nous scauons vostre
Majesté estre véritable.

Vostre volonté y est disposée, vous en
auez la puissance, le bien de vostre Royau-
me le requiert. Par ainsi, SIRE, ne per-
mettez pas que cy après par nouueaux
Edicts, pretexte de la necessité de vos

affaires, l'on face bresche à aucun article de vos Ordōnances, & chassez loing ceux qui vous cōseilleront le contraire.

Que fert-il de garder les portes closes d'yne ville pour empescher qu'elle ne soit surprinse, si quelque mauuais habitant introduit l'ennemy de dehors par escalade, ou autre stratagem propre à sa trahison?

Que profiteront tant de Loix & Ordōnances, que deuiendront les aduis de vos Estats, que seruiron nos labours & voyages, contre les surprises ordinaires des partisans? Si par leur importunité & coniuration nostre repos est ey apres troublé, le desordre remis, & vos Edicts enfraints & violez?

C'est pourquoy, Sire, nous vous supplions humblement que l'œil de vostre prudence soit tousiours ouuert à la defense de vostre pauure peuple, descharge & soulagement d'iceluy, & que vos salutaires resolutions ne soient en rien changees

changees & alterees.

Nous esperions que par vne plus longue vie, la Royne vostre tres-sage & tres-honore Dame & Mere nous y profiteroit beaucoup, pour la preuue & experience qu'a eu la France de ses bons & vtils aduis: mais puisque ses iours estoient bornez, & que sa dignité de Royne & Princesse ne luy donnoit priuilege de prolonger ses anneés, & se promettre vn lendemain, il faut que la volonté de Dieu, & la necessité du tombeau vous serue de consolation & patience, & s'il faut esperer que son ame bien-heureuse fera des prieres au Ciel, qui seront plus certaines & profitables à vostre Majesté & à l'Estat, que tous les conseils du monde.

Cependant nous aurons nostre recours à la faueur & bienueillance de la Royne vostre tres-chere espouse, en laquelle vos subiets ont veu reluire tant de deuotion, pieté, & vertus Chrestien-

nes, qu'ils attendent de son ayde le soulagement par eux esperé, avec vne confirmation de vos bonnes & iustes intentions, suiues & assisteés de celles des Princes Catholiques de vostre sang.

Le reste depend en partie du chef de vostre Iustice & Garde de vos Sceaux, lequel choisi pour ses merites, & au bruit certain de son integrité, ne permettra pas que des Ordonnances faictes de son temps & aduenement, soient violees de son temps mesme.

Il est par nous recognu d'une conscience si entiere, qu'il aura plus de soucy de continuer son bon nom, que de se conseruer sa dignité.

Il sçait bien qu'un bon Romain auoit accoustumé de dire, qu'il aimoit mieux viure en bonne opinion du peuple, que d'estre au Consulat ou Dictature perpetuelle.

Il ne sera pas en peine d'engager sa renommée, ny de faire ce que fit le bon

Chancelier Commodus à Faustine, veu
SIRE, qu'auez promis de regler vostre
puissance à la raison, & que dignement
vous auez soubmise vostre Majesté à la
Loy, qu'est le plus beau & riche propos
qui se puisse lire en toutes les Annales
de vos predecesseurs, & lequel merite
d'estre graué en lettres d'or.

En ce faisant, nous ne regretterons
plus les saincts reglements des anciens
Roys, l'on ne parlera plus de la iustice
d'un Charlemaigne, Sainct Louys, &
Philippes Auguste, moins ferons-nous
estat de l'affection paternelle du Roy
Louys douziesme.

Nos liures ne seront remplis que de
vostre sagesse, iustice, clemence, &
amour: le Ciel s'ouurira pour faire de-
couler sur vostre chef & Courōne, tou-
te manne de prosperité, Dieu vous fera
la grace de veoir de vostre lignee, laquel-
le en toute valeur, fera valoir le nom de
Valois, nom duquel la continuation

continuera le salut à la France.

Et en outre la douceur d'une saison si heureuse, & la jouissance des fruits que nous espérons de la conclusion des Estats, nous confirmera au service que nous devons à vostre Majesté, lequel de nouveau est par nous assuré par un serment solennel en corps d'Estats, & pour loy fondamentale, pour en toute fidelité aimer, honorer, & obeyr à vostre Majesté.

Et parce que la saison se presente où nous pouvons faire preuve des effects de nos bonnes volontez, & que d'ailleurs le deffaut de moyens commande à plusieurs de nous un bref depart; l'ay charge expresse de vous supplier de nous donner congé, afin que retirez en nos Prouinces, les uns soient porteurs de vos saintes & louables inspirations, les autres autorisez du Magistrat qu'ils portent, vous y fassent obeyr, & que tous ensemble courants mesme fortune, nous nous tirions d'un peril com-

commun, & vous rendions certain témoignage, que nous sommes & demeurerons tres-fideles, tres-humbles, & tres-obeïssans subiets, iusques au dernier soupir de nos vies.

LE 15. Ianuier 1589. iour de Dimanche, Monsieur l'Archeuesque de Bourges pour le Clergé de France, & Monsieur de Brissac pour la Noblesse, firent leurs Harangues dans la grand' Salle du Chasteau de Blois, le Roy y seant en son liect de Iustice.

Ledit Sieur de Brissac dit qu'il luy suffiroit seulement, comme en la dispute des deux Musiciens Piron & Cephissius Pyrrhus fit iugement que Polybercon estoit meilleur Capitaine, qu'aussi sa Majesté voyant discourir ces deux torrents d'Eloquence Monsieur de Bourges, & Monsieur Bernard, elle iugeroit qu'il n'estoit là qu'un soldat.

Monſieur Bernard pour le tiers Eſtat du Royaume monta deſſus le Theatre preparé pour les orateurs, & apres auoir fait les trois reuerences accouſtumees, ſe mettant à genoux pour parler, le Roy luy dit qu'il remettoit ſon propos au lendemain à pareille heure que les autres, parce qu'il eſtoit trop tard.

Le Lundy 16. l'assemblee eſtant fort grande, & la Salle plus remplie que le iour precedent, ſa Maieſté en arriuant manda par vn Gentilhomme audit Sieur Bernard qu'il euſt à repreſenter ce que ledit Sieur de Briſſac auoit obmis touchant le reglement de la Gendarmerie & diſcipline Militaire. A quoy n'ayant point penſé ny preueu auparauant, ne laiſſa ſur le champ de le faire d'vn meſme ordre & ſtil que le reſte de ſon diſcours, lequel il commença ſur vne heure & demie, continua & finit iuſques apres trois heures, ſans peur, changement ny variation quelconque, fut ouy avec tel

le attention, qu'une syllabe ne s'en perdit, & le prononça tout semblable qu'il depuis il a esté imprimé.

Lesdit propos finy, le Roy fit de nouveau publier l'Edict d'union en loy fondamentale, & donna assurance qu'il ne changeroit jamais de volonté.

Furent aussi leus quelques articles des resolutions prises sur une partie des cayers, & promesse faicte de paracheuer sans discontinuation.

Ainsi qu'il se departoit & estoit encore sur le Theatre, il dist hautement que ledit Sieur Bernard luy auoit dit ses veritez, sans l'offenser neantmoins, & auoit parlé en homme de bien, avec autres paroles ouïes par la plus-part de l'assemblée.

Il chargea Messieurs l'Archeuesque d'Ambrung, Euesques du Mans, de Bazas, & Lysieux, de luy faire sçauoir & entendre, ce qu'ils firent auant qu'il fust hors de la Salle.

Estant fortý, il n'y eut personne de sa

cognoissance, & autres à luy incognuës, qui ne le congratulast.

Le Mardy 17. les trois Ordres s'assemblerent chacun en leur chambre, ceux du tiers Estat auant que rien proposer firent cet honneur audit Sieur Bernard de le remercier en corps, & apres les Présidens des douze Gouuernemens luy firent les vns apres les autres de beaux, doctes & honnestes discours, avec tesmoignage de toutes louanges, gratifications, & offres du seruice & amitié de leur Prouince.

Pendant que leurs Présidens parloient tous ceux du Gouuernement estoient debout & nuës testes: ledit Sieur Bernard les remercia pareillement, & s'excusa s'il n'auoit si dignement faict que sa charge le requeroit, mais que ce luy estoit vn grand bien & contentement de les veoir contents.

Plusieurs luy donnerent des vers cy apres rapportez.

Il fut

Il fut mis en termes & resolu, qu'auant la leuée des Estats on poursuiuroit pour la derniere fois la liberté du President & autres Deputez du tiers Estat retenus: la charge en fut donnee audit Sieur Bernard, quoy que perilleux d'en parler davantage, veu les prieres & importunittez passees.

Il porta le propos au Roy pour ladite deliurance lors qu'il sortoit de la Messe: il fit response qu'il y aduiferoit, & que c'estoit vne affaire d'Estat où il vouloit penser de près.

Depuis lesdits Deputez estans retournez en leur chambre, se dirent adieu particulièrement les vns aux autres, & tesmoignerent beaucoup de regret de leur separation.

L'apresdinee dudit iour toutes les Prouinces allerent prendre congé du Roy en son Cabinet, celle de Bourgogne y fut des premières. Et apres que sa Majesté les eut aduerties qu'il vouloit

mieux faire que iamais, il appella en presence de tous ledit Sieur Bernard, & luy dit qu'il se pouuoit bien vanter que iamais homme de son Royaume ne l'auoit tant contaté, qu'il auoit vn Roy qui l'aimoit & honoroit, ce qu'il feroit paroistre en bref, cependant qu'il ne partist point sans le veoir en particulier.

Le Vendredy matin 20. sa Majesté le fit venir dans son Cabinet, où ledit iour personne n'auoit eu entree, parce qu'il se treuuoit mal des dents: il chargea ledit Sieur Bernard de plusieurs paroles de creance, & le tint près de trois quarts d'heures sur le sujet des choses passees, luy ayant pour son particulier tesmoigné toutes affections, & qu'il ne le laisseroit longuement en Bourgongne.

Il luy demanda son Harangue, qui luy fut presentee le lendemain par Monsieur le Conseiller de Montholon, parce qu'il estoit contraint de partir.

Le iour mesme la Reyne le manda par

Monsieur Dinet son Predicateur : il fut recevoir ses commandements, & apres les offres de son amitié, elle luy demanda aussi son Harangue, que Monsieur Montaigu d'Authun luy presenta.

Monsieur le Garde des Sceaux l'inuita de demeurer, & luy dit que le Roy l'eust desiré, mais sçachant les causes de son depart il ne l'en pressa pas davantage.

DE ORATORIBVS TRIVM
Ordinum in conuentu publico totius
Franciæ qui ad Regem dixerunt die-
bus 15. & 16. Ianuarij anno 1589.


*Prima superfluitans oratio: tersa secunda,
Sed succincta nimis: tertia præualuit.*


Aliud.

Macrologos Clerus: Miles brevis, vltimus orat.

Aliud.

*Bituricus tibi rem gessit, tibi Brissacus, ille
Longior, hic breuior, tibi palma vtrique relictæ est.*








THE
NEWBERRY
LIBRARY

